



Communicaziun a las medias

Da cumpagnia a La Punt Chamues-ch

Cuiria, ils 14-06-2017 – **Radiotelevisiun Svizra Rumantscha (RTR) envida da star da cumpagnia a La Punt Chamues-ch. Ina saira cun musica da Martina Linn e cun giuvens musicists e giuvnas musicistas da la Scola da musica Engiadin'Ota. L'occorenza ha lieu venderdi, ils 16 da zercladur 2017, a las 20:00 en la halla polivalenta a La Punt Chamues-ch. Giuven e vegl èn envidads da passentar ina saira da divertiment cun interprets indigens.**

L'onn 2015 è il «Da cumpagnia» sa fermà en la diaspora – a Turitg, il 2016 en la chapitala dal Grischun – a Cuiria. Ussa visita il «Da cumpagnia» puspè las valladas rumantschas. Il cumenzament fa l'Engiadina, per esser precis l'Engiadin'Ota. Ils 16 da zercladur envida RTR da star da cumpagnia e da passentar ina saira cun chant e musica a La Punt Chamues-ch.

Musica da la regiun

La saira vegn embellida cun musica da la chantatura Martina Linn & band. La giuvna Engiadinaisa è creschida si cun musica da jodlar ed ha lura cun 14 onns chattà la passiuin per il pop ed il folk. Oz ha Martina Linn gia edì 3 discs e concertescha en l'entira Svizra.

Sper Martina Linn sa preschenta era la Scola da musica Engiadin'Ota. Las giuvnas ed ils giuvens da la scola, che stat sut la direcziun d'Anton Ludwig Wilhelm, sunan per exempel cornet, clavazin, ghitarra, violina e saxofon.

Tras la saira maina Ulrica Morell, moderatura e redactura da la redacziun Engiadina da RTR. L'entrada è libra.

Dapli infurmaziuns

Radiotelevisiun Svizra Rumantscha, Via da Masans 2, 7000 Cuiria
Marina Morgenthaler, referendaria sponsoring ed events, tel. 081 255 75 39, marina.morgenthaler@rtr.ch